



心遠堂詩

梁溪鮑鼎銓讓侯氏著

七言律

三月三日卽事

畫槩移來烟柳斜長堤寶馬拂晴沙輕風隨處皆啼
鳥細雨無村不見花曲水昔年傳勝事蘭亭今日有
人家與君更入深溪去野鷺紛紛向若耶

山中訪王處士不遇

路入桃源共訪君武陵鷄犬遠相聞我來不見山中

八通堂詩 卷四
客人到徒看嶺上雲十里野花三逕遶一渠流水幾
家分深崖採藥知何處寂寂松筠閉夕曛

隋宮

洛陽宮殿總蕭條蕪草荒烟第幾朝秋苑何時重剪
綵夜橋無女更吹簫錦帆江上空殘照衰柳天邊屬
暮樵迴首翠華遊幸處千年愁絕廣陵潮

秋泛偶成

高秋雲氣遍江湖百里山光擁畫圖已識風塵成往
事可知詩酒老吾徒田園應就陶處士烟水還追越

大夫極目荒林仍落葉依然感慨不能無

登城西寺水閣

草閣蕭蕭雲氣秋曲欄處處俯清流藕花門巷湖風
細榆柳人家野色幽鳥去烟中看漸遠雨來水面聽
初收只今蝦菜還如舊漂泊誰爲范蠡舟

送季聖昭之京

不堪今日送君行芳草連天去鷁輕滿目鶯花遊子
意當筵楊柳故人情十年浪迹樽前盡千里鄉心去
後生悵望黃河烟霧裏棹歌聲斷鴈歸聲

姑蘇懷古

霸業春秋半屬吳，只今誰復醉姑蘇。
故宮荒草分高下，南國佳人嘆有無。
歌舞十年空落日，鶯花三月自平湖。
舊時金粉何從覓，寂寞風前聽鷓鴣。

池塘七夕

河光星影共蒼茫，綺席清卮映水涼。
芡葉陰深藏翡翠，藕花香細宿鴛鴦。
縈山笙鶴千年月，織女支機一夜霜。
少婦針樓還乞巧，笑看今夕舊橫塘。

古意

鐵騎長驅久未還，十年烽火滿邊關。
朝廷戰伐無休日，閨閣離愁異昔顏。
羽檄頻傳歸鳳闕，鄉書應不到狼山。
秋高風急人千里，此際知君鬢亦斑。

遊雪浪庵

蘭若岩峩可躋攀，振衣獨上渺茫間。
望中水濶疑無地，天際雲深別有山。
落日鐘餘禪榻靜，清風樹裏梵音閒。
半生回首徒漂泊，願證皈依不復還。

江村偶成

柴門十里向江天，滿目江光亂雨烟。
野鷺閒飛來樹

外午潮涼動到堦前輕風燈火漁人舍落日帆檣估
客船我獨滄洲愁病久側身天地且高眠

送許聖木之燕

天涯芳艸暗行旌送客春風向帝京慙我十年悲老
大羨君千里覓功名江南花柳孤帆遠薊北關山匹
馬輕莫慮長安少相識固知才足動公卿

喜雨

雷霆十日晝長陰驚起魚龍海宇沉大旱幾年悲物
力小民此日見天心千疇雨足烟光白萬壑雲連水

氣深極目郊原正鼓舞當今無事禱桑林

寄和州蔣雪菴

離別思君已十年長堤細草意茫然清風樓上看花
柳犀照亭邊聽管絃江氣南來嘗帶雨山光西去盡
生烟故人舊日風流在乘興還尋載酒船

送韓司馬之閩

錢衣金勒聽弓鳴舟過錢塘鼓角清盛世已聞平海
曲將軍還築受降城閩中日月搖旌旆島外風濤洗
甲兵會見遐甌烽火靜凌烟端不負功名

過蓮花山寺

數里疎鐘澗壑幽，杖藜無意過林丘。
鳥啼僧院風塵暮，葉落禪房天地秋。
世事應從空外悟，浮生還向靜中求。
青杉古栢何人問，不斷山樵自去留。

山中酬顧君占見過

十年地僻此山中，故友欣逢到藥叢。
新草自因連夜雨，落花不盡暮春風。
薜窓細細看雲入，石洞涓涓覺水通。
欲謝塵囂渾未得，敢將高隱擬龐公。

過黎眉別業

棲遲蘿薜足雲烟，門隔清流對野田。
豈謂俗塵權避跡，亦知君意可逃禪。
徑荒松菊疑彭澤，地近湖山卽輞川。
薄醉燈前還道故，夜窓殘月正娟娟。

金陵懷古

宮闕烟銷旺氣沉，夜臺麋鹿重追尋。
江流空自分南北，帝業從來變古今。
雨暗銅駝淮水靜，風開鐵鎖秣陵陰。
經過莫問當時事，玉樹淒涼恨不禁。

過雷塘有感

錦帆天子舊風流，烟雨樓臺成古丘。
瑤草莫來迎鳳

輦玉人何處覓龍舟千年月冷雷塘路十里歌殘清
夜遊今日江都好春色宮中誰複製無愁

江上贈漁父

白蘋紅蓼滿殘霞細粲明湖便作家秋浦菱歌喧落
日金塘鳥影弄晴沙絲綸微雨霑菱葉鱸鱖輕烟散
葦花今日看君江上去肯教同泛覓胡麻

春遊卽事

紛紛車騎滿晴沙棹過垂楊一逕斜乳燕掠萍臨渡
水新鶯喚酒入田家桑麻細雨村村綠棟荳春風處

處花獨倚輕橈還自笑亦將心計問烟霞

秋日同伯子雲暨諸兄弟遊大小汕

一帆西去漾秋空蓮浦菱塘思不窮過鴈正多青靄
外遠山無限夕陽中殘蘆野水重重白疎樹人家片
片紅醉倚輕橈追少伯烟波惆悵蓼花風

又

到處烟光斂翠微一湖秋漲沒漁磯黃花綠酒看舟
去紅樹青山見鳥飛日落空田疇稻早風清寒水蟹
螯肥鳴榔遠浦歸來晚燈火村村正掩扉

秦淮夜望

浪跡重爲白下遊，蕭蕭漸愧敝貂裘。
天涯悵望金陵闕，心事愁看淮水流。
夜月珠簾燈火靜，秋風玉樹管絃收。
只今冷落知多少，剩有青蛾倚畫樓。

燕子磯夜泊

蘆管齊鳴畫角悠，漁敲處處滿汀洲。
荒原野燒開新壘，白恰西風憶舊遊。
暮靄晴搖千嶂色，夕陽紅湧一江流。
磯邊無限天涯客，還共停橈說旅愁。

曉發金山

驚潮風湧獨凭欄，點點金焦望裏寒。
百里烽烟新圻堠，千重樓櫓舊江干。
鴈來北固晨光淡，角動揚州秋氣殘。
咫尺乘流還擊楫，莫將離思說南冠。

除夕同日鴻九一可遠分韻

春風一日遍千山，我自驚心歲暮間。
愁絕翻知渾易醉，囊空轉覺未能閒。
班生牢落功名薄，原子蕭條生事艱。
相勸屠蘇消此夕，暗香疎雨滿柴關。

元日書懷

東風送暖幾回頻，牢落乾坤剩此身。
慙我依然心事

舊逢人驚說歲華新千街燈火全消臘三月鶯花乍
報春莫訝流光今更易茂陵司馬本來貧

過霞裳齋同繆維揚敖山來分韻

廿載兵戈自隱居側身天地一茅廬何須山水能逃
俗只此幽棲可著書城郭春風親鬢影松筠夜月靜
村墟相逢刻燭還投轄詩酒連宵幸未疎

過彭山堰

落帆風靜鏡湖明細槳乘流一舸輕疎樹望來青靄
斷遠山行盡夕陽平水田燈映聞漁唱樵塢人歸過

鳥聲指點暮投何處宿柴門月色已相迎

宿東止橋

漠漠烟光歛水痕孤舟投泊向空村堤邊有樹皆棲
鳥溪上無家不掩門隔浦漁燈原寂寞野田月色易
黃昏夜深莫問當年事只恐蹉跎不可論

聖恩寺

風裏看梅路幾重雕楹珠棟倚高峰山僧趺坐調玄
象蘿逕閒尋入午鐘百里湖明開匹練半空巖翠削
芙蓉上方再過諸緣盡香滿幡幢雲在松

靈隱寺

翠嶂丹崖法界開。半空金碧麗崔巍。石牀僧靜清鐘起。松磴雲生野鳥回。澗水過林侵貝葉。天花帶雨下香臺。尋幽更問支公跡。依舊禪房長綠苔。

寒食

年年寒食此愁中。漂泊韶光類轉蓬。啼鳥依然驚夜夢。綠楊不改舞春風。半生詩酒悲歡異。百里鶯花今古同。明日新烟滿南陌。好從溪路問殘紅。

清明

香車金勒過春城。玉管銀箏無限聲。堤柳半籠烟霧重。野花深映綺羅明。東風迢遞江南夢。芳草迷離舊日情。笑向杏村沽酒去。燕鶯啼處與君傾。

送日鴻歸白門

金鞭直指秣陵行。芳草天邊匹馬輕。楊柳離亭迷客思。鶯花驛路送君情。樓船夜月秦淮水。絲管春風白下城。今日樽前暫離別。故園詩酒好逢迎。

吳伯翁父母來悅樓落成賦此紀勝

飛樓百尺入雲間。畫棟峻嶒可躋攀。萬頃清光搖震

八遠堂詩 卷四
澤三秋爽氣滿西山空中鼉鼓天河靜夜半
跼絃月色閒自是鴻溪形勝好往來何地不歡顏

又

直上危欄俯太清湖山無限共雲平千門霜重角初起
五夜月寒鐘漸鳴高閣簾深聞下漏琴堂花滿聽吹笙
登臨不獨三吳勝佳氣遙看接鳳城

白下感懷

短衣長劍秣陵遊滿目黃花又暮秋離恨不堪看夜
月歸心祇許逐江流芙蓉香冷仍羈棹蘆荻寒生獨

倚樓我欲荒原時極目斷雲悲鴈思悠悠

西橋晚望

千山積翠倚晴空渺渺驚流大壑通平野雨深雲氣
白明湖霞映浪花紅拚將心事升沉外願托生涯烟
水中極目蒼茫溪路杳漁舟搖蕩芰荷風

雪後景行蓼莪過訪賦答

凍雲漠漠結層陰漸覺梅花香在林半載離居難道
故今朝相見好論心雪明竹屋寒逾重火活蕉窓夜
未深慚愧濁醪供薄醉還憑逸興試清吟

同黃郁巖父母之郡舟中卽事

雨收殘靄斷河梁
百里關城思渺茫
遠聽角聲催鷺
鴈坐看風力送帆樯
溪流泯泯餘秋氣
樹色荒荒帶夕陽
今日追陪向東郡
還期附驥問長楊

秋夜西湖泛月分韻

銀漢雲收思悄然
碧波瀲灩滿平川
一輪素影惟吹角
十里清光歇採蓮
風動岸花寒有色
露澄湖水淨無烟
我今欲問坡仙跡
月小山高好放船

夜飲友人山莊卽席賦贈

松聲竹色滿柴門
堵面青苔半雨痕
三月鶯花餘酒債
五湖蝦菜舊田園
鳥歸巖壑烟千樹
風靜溪流水一村
緩醉明燈回棹晚
空山寂歷正黃昏

送少尹任君佐入京

霜老關河鼓角秋
蕭蕭琴鶴向神州
南來已植花千樹
北去還看月一舟
郊外衣冠空竚望
車前父老悵難留
知公夙昔聲名重
側席行將聖主求

中秋夜不見月

忽聽高城絲管聲
月華非復去年明
風塵老我今猶

八遠堂詩 卷四 十一
是詩酒逢君歲又更未雨樓臺燈火暗乍寒薜荔草
虫鳴夜深岑寂還相望秋思紛紛竟夢驚

初秋郊望

雨餘斷靄隱高城寂歷空郊短笛鳴滿目蘆花皆水
色當秋樹影半蟬聲十年有夢樓巖壑千里無因謁
帝京漸覺關河聞塞鴈蹉跎時序又愁生

偶成

寂寞秋林對落暉望中蘆荻靄霏微曉風深巷清砧
急夜月平沙早鴈飛放浪已慚生計拙飄零尤覺壯

心違靜觀世路空惆悵好向青門暫息機

擬王右丞積雨

雲氣冥冥積野田白鷗來去立波前平明稚子乘流
入薄暮漁人帶雨還遠岸微茫喧澗水隔林空翠起
厨烟柴門寥落知無事藝黍烹葵五月天

擬杜工部登樓

錦城花發正當樓滿目滄桑老客愁有地山川皆北
極無家烟火不皇州江雲隱見天邊樹海日蒼黃塞
上秋霜鬢蕭蕭倍惆悵暮年漂泊愧沙鷗

擬李義山馬嵬

烽火邊聲動范陽太真無復在連昌翠鈿埋沒藏春
草夜月荒涼怨海棠一騎曾來妃子笑六軍誰許美
人妝管絃凝碧今猶是古驛蕭蕭落日黃

擬崔曙九日登仙臺

獨上仙臺起夕陰徘徊還動百年心關山一鴈來天
地松栢諸陵變古今日落秦川秋色老風高漢苑暮
雲沉欲尋陶令知何處同把黃花索醉吟

擬杜工部野望

劍門遠入邊城戍蜀道愁生草木烟兄弟風塵仍萬
里關河霜雪又經年蕭條客鬢西山下漂泊臣心北
闕前迴首故鄉雲樹晚涓涓何日更朝天

擬沈佺期從幸香山寺應制

蒼蒼法界隱崔巍鳳輦來過拂曙暉玉磬聲隨千澗
落金蓮花傍五雲飛南山蕭鼓迎仙仗北闕香烟繞
翠微微從宸遊瞻勝事旃檀日暮未曾歸

擬王建早春午門西望

錦城烟靄轆轤鳴丹鳳樓頭報曉晴柳拂天街頻試

八遠堂詩 卷四
馬花開禁苑亂啼鶯千門曙色迎官仗二月春風捲
旆旌西望長安佳氣滿玉簫金管不停聲

擬司空緒南原望漢宮

漢家城闕水連空過客荒涼說故宮承露金莖虛夜
月建章衰草動秋風高低禾黍悲歌裏今古樓臺感
慨中在事滄桑何處問白雲哀鴈思無窮

擬祖詠望薊門

鐵騎銀戈老將營關山歷歷入雲平千重鼓角邊塵
壯萬里烽烟殺氣橫日落薊門連遠塞風高漲海接

孤城幾時獨向燕臺望直北全無戰伐聲

擬岑參渭西郊行

杖履隨風過渭城連溪草色曉烟輕青山有意還相
憶白髮無端老更生十里野花時帶雨千條弱柳自
藏鶯携樽漫向西郊望愁聽天邊歸鴈聲

擬盧綸晚次鄂州

秋老關城色莽蒼暮雲荒樹暗瀟湘風傳鼓角來巴
郡月湧江湖到武昌浪跡十年悲泛梗孤舟一葉任
星霜可堪兵革郊原急愁自逢人說故鄉

擬劉長卿過賈誼宅

洛陽遠謫楚江城廢宅荒涼秋草生湘水有愁君作賦
長沙無主我憐卿三年空覓寒林跡千載徒聞鵬鳥聲
寂寞山川休悵望聖朝原自薄才名

擬李白登金陵鳳凰臺

飄然獨上鳳凰臺此日臺空鳳不回吳楚山川皆北去
江流天地盡東來千年石馬埋風雨六代銅駝暗草萊
遙指長安向何處白雲蒼樹首空回

擬柳子厚登柳州城樓

茫茫瘴氣幾時收漂泊同深故國憂日落大荒雲夢晚
風寒薜荔洞庭秋粵山萬點連天出江水千迴入海流
我獨愁吟驚歲暮君今何處一登樓

擬劉長卿送別

秋盡聞君忽遠行連天塞鴈入邊聲已知離思隨人去
漸覺輕雲向馬生心事樽前今日淚故人江上十年情
長途回首堪惆悵白露楓林處處橫

和霞裳韻

碧波瀲灩漾扁舟雨過高峰烟細浮落日漁歌楊柳

八選詩 卷四 五
岸輕風帆影荻花洲千重山色來雲外百道泉聲到
渡頭聞說湖南今更好可能載酒復同遊

新秋喜雨

高峰送雨日霏霏三伏炎蒸覺漸微始識天心原自
厚亦知民命不終饑青禾水上娟娟綠白鳥烟中冉
冉飛蓮浦菱塘漁唱滿湖山蒼翠欲忘歸

臘梅

凍雲疎雨入闌干蕭瑟花開臘欲殘雪色着枝原未
自月光分影但餘寒憑吹玉笛難教落擬夢羅浮肯

借看此日廣庭多冷落與君東閣好盤桓

觀潮

江天蕭瑟客心愁漠漠遙空水色浮靜夜欲來常帶
雨平明初動更逢秋高低風湧千重雪深淺雲開萬
里舟此地不堪頻悵望一身漂泊類浮鷗

遊湖心亭

漠漠烟光斂翠微亭高極目思依依雨昏斷壁苔痕
遍風透疎櫺燕子飛天際野花開舊岸春深芳艸暗
沙磯凭欄指點繁華事玉管銀箏何處歸

又

中流停棹共登臨舊跡荒涼杳莫尋
花柳空餘千古恨湖山先繫十年心
青簾畫舫波痕淺翠幙重臺雲氣深
寂寞西泠行處好還憑濁酒試愁吟

孤山

孤山勝跡足徘徊舊日池臺半艸萊
我亦有心悲世路君先何故悔奇才
空亭鶴去無時返斷嶺梅殘不復開
面面湖光正蕭瑟清風千古滿崔嵬

過包氏園

颯颯谿雲望未開雨餘同過古亭臺
粉廊畫壁留殘靄曲檻深階遍綠苔
山翠繞簷飛黛色泉聲瀉石走春雷
坐來爾我心俱靜潦倒還傾碧玉杯

申屠蟠

家時事已全非鈞黨徒爲嘆式微處士有言皆被
族先生何意獨知幾高風嚴瀨同垂釣傲骨西山並
採薇蕃武可憐追祀日羨君依舊薜蘿衣

張睢陽

江淮義動一孤城戮力中原天地驚
痛哭但期全社

八遠堂詩 卷四
稷死生端不爲身名千年壯氣吞安史百戰雄心誤
進明今古睢陽英爽在未知遺恨幾時平

早鴈

衡陽歸去久離羣湘水南來影未分夜靜每從愁裏
過夢餘况向客中聞金河遠度千山月玉塞初橫萬
里雲爲憶昔年淒絕處只今秋思已紛紛

過朱賦遊山莊

溪聲竹色滿空村到處苔粘屐齒痕我已無心耽世
路君今何計覓田園秋風新黍方登蟹夜月垂楊早

閉門自是武陵天地別短箋長句好評論

早梅迴文和迪九韻

昏黃月過共君看雪積先疑乍放難村裏夢憐還影
瘦笛中風送未香殘言忘好句冰成詠意解幽姿玉
作團門掩自來原寂寂魂消此日幾枝寒

過雍介聖輜別業

幾年辜負黃花約今得來從此地過彭澤幽情君是
矣山陰逸興我如何空村稻蟹秋風早別墅松筠夜
雨多且喜關城兵革少故人相見共高歌

秋日同兄武廬弟晉侯南侯登湖上草亭

秋原衰草影連天。惆悵東欄意惘然。山色有無殘霧裏。鴈聲來去夕陽前。千重幔捲樓臺雨。十里帆開蘆荻烟。為想尊魚今正美。相應同泛五湖船。

澄江秋日郊行

杖策東郊秋氣清。靜觀物候暗心驚。江流天外連雲影。木落山中帶鴈聲。三逕黃花看又發。幾年白首愧無成。沙汀寂歷西風冷。倏忽遨遊歲月更。

夜渡瓜州

夜深烟靄隱皇都。一塔中分入畫圖。萬點明星隨去鷁。半輪殘月伴啼烏。江流泯泯連天白。山色濛濛隔岸無。吳魏滄桑今古事。且從市上覓懸壺。

送丁亮工之陝

青楓黃葉動離憂。曙靄寒光滿地秋。過去雲山留客恨。聽來鴻雁入邊愁。今朝樽酒一相別。明日風塵萬里遊。匹馬函關行色好。莫教歲月久沉浮。

錢塘觀潮

秋盡江光匹練明。雲中處處越山平。日高忽湧紅霓

心遠堂詩 卷四
色天淨時聞風雨聲噴沫怒飛伍相廟驚流寒動富
陽城携樽還向高亭望寂寞蘆花無限情

又

蒼蒼遙漢白雲閒從古潮聲自在還日落魚龍來遠
近天空金鼓振關山百年心事升沉外千里風帆浩
渺間爲問昔時迎射處依然水勢滿區寰

又

江路蒼茫勢不窮驚潮旦暮接高空千山影動牙檣
外萬馬聲來烟霧中亘古已知君有信望洋還恨我

飛蓬天邊幾處芙蓉冷颼颼平沙起北風

又

關河蒼莽思沉沉鼓角風前萬里陰隱見鼉鼉秋氣
老參差烏鵲暮雲深往來原自存天地動靜何曾變
古今獨倚危欄時極目不堪蕭瑟動愁吟

送春同子儀叔限韵

羯鼓聲聲響未終忽驚春去思何窮依人只有茶蘼
月入座還多楊柳風心事消沉山水外鶯花搖落夢
魂中江南此日殘紅遍簾幙陰深燕語通

武林道中

布帆風急一川明，直指錢塘五兩輕。
吳地忽看斜照沒，越山盡見暮雲平。
桑田杳靄迷遊騎，烟柳微茫送鳥聲。
頻問武林名勝好，六橋花月幾多情。

蘇堤曉望

十里晴絲漾曉空，靜看烟樹正朦朧。
花枝欲動波光裏，山色猶沉雲氣中。
玉管誰來吹曙靄，紫騮何處試春風。
傷心不是繁華舊，斷柳平蕪總是同。

雨阻天竺山房

欲作湖山十日遊，一宵驟雨不勝愁。
崖邊樹積千重靄，石上泉增百道流。
雲濕幡幢人意靜，風回鐘磬梵音幽。
還携雙屐登臨去，巖谷蒼茫任冥搜。

溧水元旦

歲華荏苒去重來，驛路蕭蕭客思催。
臘盡殘寒融草木，春回輕煖入樓臺。
天涯有恨空彈鋏，賓友多情共舉杯。
爲憶故園憔悴盡，小窓今日又梅開。

舟過寶界湖口

烟消岸柳夕陽明，短棹中流十里輕。
斷壑雨收千岫

碧孤帆風細一川平菱塘蓮浦花仍落蝦舍魚村鳥
自鳴笑向蒼茫追范蠡五湖春色好將迎

飲西泠橋酒樓

面面溪山擁畫圖經心重過此西湖烟中巒壑分深
淺堤上鶯花看有無勝地可知原舊識長歌正是屬
吾徒凭欄索寞同凝望日向春風問酒壚

同集生再過湖上酒家

獨立蒼茫詩又催昔年曾向此徘徊冥冥水暗風初
起漠漠烟沉雨欲來爾我有心成老大湖山無恙減

樓臺驚看花柳難如舊寂寞愁腸付酒杯

同薛宛虹坐積翠樓

雨歇輕烟暗柳枝長空雲黯鳥飛遲平分湖色侵衣
袂半落山光入酒卮野艸漸迷處士跡鼓聲還過水
神祠舊題拂拭何堪讀我再愁吟寄所思

贈陳卜五總戎

山斗聲高重帝京汾陽威德更知名勲垂竹帛千年
烈身作王家萬里城細柳舊曾來按轡赤松今已不
談兵江南豪俊思公久欲向門墻學請纓

嘉興旅中

爾我無端作浪遊，幾宵愁宿小樓頭。
烟生近驛平蕪暗，風急長河夜柝幽。
身世依然悲楚梗，功名空自說吳鉤。
茂陵行李蕭條甚，欲典春衣愧敝裘。

再遊真如寺偶題

再拜慈雲思渺茫，陰陰薜荔暗迴廊。
松風到地吹殘靄，塔影橫空帶夕陽。
香細幡幢依寶相，春深花竹滿禪房。
翠翹何事來遊晚，向暮紛紛禮法王。

贈古峯上人

蒼烟白石共留連，悟徹空山靜裏天。
對竹談深驚此日，臨風別去悵經年。
遨遊總屬浮雲外，心事嘗依碧水前。
相約來春更携手，小樓重讀舊詩篇。

社集分擬岑嘉州早朝

庭燎光寒紫禁連，未央鐘動共朝天。
九重星月迎仙仗，三殿旌旗拂曙烟。
香靄細浮鳩鵲上，珮聲徐遶鳳凰前。
微臣待詔絲綸重，願賦甘泉獻萬年。

社集分擬蘇許公望春宮應制

紫陌晴雲曙色開，望春瑤闕儼蓬萊。
風清禁柳朱旗

動日暖宮鶯玉輦來復道香烟催管籥上林花氣入
樓臺君王讌樂誠何限侍從慚非作賦才

喜闇工依月過訪

浪跡年來未入山避囂無計掩柴關鳥啼竹色烟三
逕人隔溪流水一灣牢落風塵千古夢蕭條詩酒半
生閒君今有意還相過堦面青苔愧未刪

遊南湖山寺

空巖蕭瑟少人聲古木時時鳥一鳴山色遠從天際
落湖光晴向日邊平已知法界行來近漸覺禪機到

處生蘿薜青青正可戀龐公應是欲逃名

送錢礎日之燕

行矣秋風客思催送君千里首重回江淮水落蒹葭
老鼓角霜高鴻鴈來驛路黃花仍對酒帝城紅葉再
登臺遨遊舊已聲名籍此日還看作賦才

偶賦洞中仙子有懷劉阮

深洞烟霞曠寂寥胡麻當日浪相招只疑仙界雲多
杳誰識人間路更遙流水依然隨月去桃花空自逐
風飄何時再返劉郎棹重整瑤窓碧玉簫

競渡偶成

昔日浮沉事幾更尚餘飛棹繞江城去來祇愜遊人意
漂泊誰憐楚客情澤國烟雲迷舊跡樓船簫鼓動
新聲古今多少悲歡處盡付青蒲幾巨觥

泛舟城西遇雨

輕雷送雨過千峰樹色微茫杳不窮橋下急流聲若
箭山前殘靄氣如虹舟移想像烟波裏人語虛無圖
畫中欲取河魚醉斗酒幾回隔浦問漁翁

西浦觀蓮

菱浦參差菡萏開山光雲影入池臺一溪綠漲秋風
早十里香多夜雨催我自看花移棹去誰人折藕唱
歌來可憐此日江南路寂寞蘭橈採幾回

西江懷古

巴蜀南吞雲夢浮寒空水落洞庭秋江流日夜連天
急秦魏河山入暮愁烟雨篷窓遊子棹荻蘆燈火估
人舟臨風自切興亡恨禾黍殘陽吊古丘

維揚旅中聞早鴈

江天蕭瑟暗孤城又聽天邊早鴈鳴客子更增今自

八遠堂詩 卷四 三
恨深閨還動去年情風清薜荔聲初過月冷蒹葭怨
未平縱爲稻梁還自計可知羅繳甚縱橫

送魏吉人之陝

白水臨潼舊帝京短衣此去月三更故人忽向愁中
別客思全從望裏生葉落關山來塞鴈霜清鼓角近
邊城送君獨往咸陽地豈托羊公浪得名

答季聖昭

壯懷搖落已無餘慙愧交知日覺疎問世徒悲三尺
劍了心還讀十年書蒼茫細雨幽人宅彷彿黃花良
友居今日逢君正瀟灑紛紛愁緒我何如

秋日山行

雲白山青好放遊蕭蕭蘆荻暗滄洲輕風樹裏過泉
院落日烟中上酒樓縱飲恰聞金縷曲解衣何惜紫
貂裘歸來漫向溪橋望鴈影漁燈滿渡頭

寓雲間過陸子長宅

故人相見任淹留青竹黃花好勸酌家在夢中江水
隔我當愁處雨聲幽幾年浪跡猶爲客九月寒砧又
報秋莫怨他鄉蕭索甚輕風鱸膾思悠悠

八遠堂詩 卷四
秋日山中有感

崎嶇世路幾浮沉
秋滿溪山獨醉吟
靜裏乾坤原是
夢歸來松菊又何心
風清葉落烟三徑
雨過虫鳴月一林
極目青楓正蕭瑟
可堪漂泊到如今

送王將軍出鎮

秋原落日隱雕戈
百萬貔貅夜渡河
明月關山弓影動
白雲沙磧角聲多
天南威震思飛將
海上功成羨伏波
公去專城猷畧遠
太平何處不饒歌

漢昭君

鼓角荒原出漢關
秋風和淚滿雕環
愁淡萬里城頭月
恨積千重塞外山
但得芳名留世上
願將青塚寄人間
至今冷落昭陽殿
魂夢依依到夜還

蜀相廟

吳魏兵戈日戰爭
空餘古廟錦官城
千年蜀道今猶在
萬里啼猿夜自清
漢室河山多變易
艸廬經濟不重生
徘徊獨向祠前立
野老還來痛哭聲

同邳仙白門春望

新鶯細柳舊長安
十載鄉心強自寬
白下晴光隨處

有數園春色夢中看花深車騎千重
霜雨過樓臺萬戶寒獨對東風倍惆悵
却慙書劍誤南冠

和日鴻早春見寄

搖漾輕風臘竟殘樓臺好景入闌干
梅枝已瘦猶疑雪柳葉初添不避寒
官舍早鶯行處有江亭新水客中看
故人何日重携手薄醉明燈說舊歡

同莘崖遊吳山寺

湖邊古寺接高城斷壑蒼崖野鳥鳴
天遠樓臺分岫色山空草木動江聲
石牀花雨經秋靜官閣香風入

夜平蕭瑟長松隨處是往來時序幾回更

贈慧帆上人

樹裏樓臺法界深今朝重過此幽尋
空山花草分春夏翠壁烟雲自古今
我自風塵悲浪跡君應泉石悟禪心
夜深趺坐閒吟處人在高軒月在林

過村居

蕭蕭蘿草野人家泯泯溪流徑亦斜
愧我未携陶令酒羨君先植邵園瓜
菱蘋夜雨還垂釣鶯燕春風更灌花
數載萍踪嘆漂泊不如高臥此烟霞

近况

連宵風雨夢竟驚悄寂寒窓百感生養拙未關當世
事杜門難記故人名無聊對酒常先醉有恨題詩每
不成欲向寒山慰愁緒滿林落葉總淒清

又

飄零踪跡強盤桓彈鋏悲歌興漸闌問世滄桑于變
易避人荆棘幾悲歡冥搜藥傳閒中錄檢點梅花病
裏看何用風塵更憔悴草茅已度半生寒

過華廸九齋不遇

一別燕臺幾載餘誰知歸隱寄茅廬我來但踏林間
葉君去徒看壁上書帝里風花情自異空村稻蟹興
何如他時還擬山陰訪肯許溪談慰索居

送友入川

閱歷中原處處愁劍門蒼霧暗飛樓故人已作經年
別蜀道猶爲萬里遊日落瞿唐迷海氣風來灩澦動
江流鄉山迢遞休頻望草木蕭蕭正暮秋

贈別李宗沂

與君幾夕論心期燈火蕉窓熱酒卮意氣半生惟此

八遠堂詩 卷四 五
日風霜千里總離思
關城歲暮催人速
草木寒多信馬遲
珍重來春再携手
帝城談笑共題詩

松陵夜泊

雲暗高城夜泊船
蕭蕭暮靄滿平川
戍樓畫角消殘醉
孤棹寒燈照不眠
百里風霜原似舊
幾年身世總凄然
可堪無限天涯意
還付狂歌酒十千

雪窓夜坐

悄寂空村雨氣盈
彤雲凝結未能晴
風生蘿逕春寒重
雪映梅堂夜色明
醉我濁醪消萬恨
迎人紅燭向

三二更與君靜對
淡談久還讀離騷
無限情

雪後野望

獵獵荒林凍未消
那堪雲氣重今朝
地爐促酒寒初歛
迴雪因風薄更飄
望裏山川空寂寞
靜中心事總蕭條
此時不少豪華客
翠管紅牙鬪舞腰

五日卽事

細漿斜衝暮靄時
溟濛沙畔起鸕鷀
青蒲綠水迎遊棹
翠管紅妝送酒卮
野鳥濕衣飛去重
山雲帶雨過來遲
鳴榔更向深溪路
一曲滄浪寄所思

又

畫舸乘流信晚風
碧瀾新漲水濛濛
湖山曠望悲歡異
詩酒閒情爾我同
半落帆檣煙樹外
不分歌吹雨聲中
只今莫誦離騷句
擬向磯頭學釣翁

郊居偶成

漸覺銀塘沒舊痕
蕭蕭涼送幾黃昏
輕陰不斷時時雨
急水水平添處處
村每欲放懷還自惜
卽多幽意向誰論
北窓但有高眠好
疎竹清風獨閉門

題畫

琅玕千尺散煙莎
激灩橫塘浪碧波
冰簟寒生朝雨足
雲屏香細晚涼多
靜看翠羽過菱蔓
愁聽金衣到薜蘿
月轉湘簾閒未捲
不堪清淺隔銀河

初秋蓉湖泛舟

金塘綠漲近如何
短棹清樽此再過
日落藕花浮暮靄
風平鷗鳥弄晴波
川原雨歇煙痕白
澗壑雲連水氣多
前浦蒼茫望無極
紛紛漁唱雜笙歌

又

十里明湖正放船
玉簫金管夕陽天
天花光過雨紅初

潤草帶隨風翠自牽幔捲青山迎舞席纜侵新水落
歌筵何當暝色催歸棹堤柳蒼蒼生暮煙

秋河

暑收庭院夜蕭蕭耿耿明河駕鵲橋片月星槎遙漢
隔半空風露暗香飄誰知天上還今夕不信人間有
此宵愁絕針樓虛悵望暮雲黯淡聽吹簫

送聖昭之浙

短棹西風又送君高秋客思正紛紛帆飛震澤濛濛
雨潮落錢塘渺渺雲野館黃花霜漸老山亭綠酒鴈

初聞只今把袂難爲別腸斷驪歌對夕曛

秋懷

風吹南鴈向江關忽又驚秋落葉間衰草殘花迷坂
埭淡烟踈雨暗溪山空言萍梗原無定搖落心期且
自閒舊日蘇門共清嘯阮生應不問時艱

又

霜高秋氣滿江南庾信蕭騷意未甘一片白蘋搖碧
水幾家紅樹接青嵐角聲永夜愁難慰月色當筵酒
乍酣數載飄蓬回望絕可堪消息付空談

又

颯颯秋陰捲暮林
小窗燈影坐愁侵
長沙已負當年
夢魯酒難消此夜
心薜荔寒螿山月
冷蒹葭斷鴈水
雲深相逢莫效窮
途哭黯對西風強
自吟

又

雨餘吹爽入樓臺
牢落悲秋作賦哀
千里音書空夢
寐一時身世等蒿
萊關河霜冷邊鴻
度草木風多海
燕回寄語山中陶
處士踈籬黃菊幾
時開

又

莽莽荒原客思賒
無邊衰草黯天涯
空村返照收榆
影曲港輕風落藕
花四野砧聲飄斷
嶺三更漁火射
平沙升沈閱盡關
心少願釣寒江老
歲華

心遠堂詩

梁溪鮑鼎銓讓侯氏著

五言排律

立春作

畫閣條風轉青郊淑氣迎蛟冰千里徹蕙草幾時生
葭籥飛灰靜春盤細菜盈銀塘魚漸躍金谷鳥初鳴
淡蕩風光藹參差雪影平殘寒餘草木輕暖散江城
柳色新堤路梅花舊日情綵旛新剪綠銀燭漫調笙
簾幙烟雲氣樓臺管籥聲千門燈火合一夜朔風輕

曲檻苔仍碧平池水欲明關山消臘盡歌吹報春時
共喜鶯花信安知時序更椒觴浮綺席潦倒且同傾

靈隱寺

紺殿凌天迥香臺積翠幽慈雲連海氣法鼓動江流
布地黃金遍飄空丹桂浮泉聲常帶雨嵐氣若爲秋
春色明巖壑禪機靜比丘千峯羅鷲嶺一水冷龍湫
谷鳥觀棲息谿雲任去留老猿呼欲舞馴虎悟常遊
石磴藤蘿古松堂薜荔柔疎鐘閒木末清磬滿山樓
境與諸天接心隨萬象收半空花雨下大界梵輪周
白日微堪喻青蓮妙可求雲幢凝暮靄佛火映松楸
待徹無生理應消終古愁

山中登樓值雨

萬壑水聲滿千崖雲氣多驚雷翻燕雀驟雨起鼉鼉
樹散千條靄泉分百道波樓臺今日雨耆舊幾人歌
一塔烟中直孤帆天上過林昏藏宿鳥池漲疊新荷
極目平疇晚輕風尚藝禾

元夜卽事

金鑰千門啓星橋萬樹連曉風收積靄夜色淨浮烟

八遠堂詩 卷五 二
佳景推今夕清光感舊年殘寒春愈重明月夜初圓
畫閣歌聲細珠樓舞影偏六街同燦爛五夜共嬋娟
寶馬揚金勒青蛾試翠鈿暗塵飄紫陌香霧散瓊筵
錦帳芙蓉艷雲屏翡翠妍晶簾聞寶瑟花市響連錢
影動金波裏光生玉宇前龍看銜火樹鷄盡踏青蓮
鳳吹鳴長夜銅壺滴遠天漏深猶笑語人靜尚鞦韆
明日燈光好還同鬪管絃

懷何大日鴻

忽作天涯別頻傷時序更安貧吾有意爲客爾何情

水漲金陵浦雲深白下城鶯花迷故國談笑隔神京
詩酒懷知己湖山憶友聲去時梅乍白別後草叢生
鄧嶺誰相過西泠我獨行登臨遊興寂離別夢魂驚
季子寧終困長卿應得名近傳裘欲敝因駭志無成
世路原何定人情孰與爭文章空意氣富貴重簪纓
誰是憐吾守何妨視世輕浮華或倖得悲憤總難平
還作歸來計北窓風正清

郊居卽事

雨氣滿川原新禾正播曳林谷含餘清桑榆映朝麗

八遠堂詩 卷五 三
斷岸急水鳴村廚孤烟細冥冥鳥自飛漠漠雲常蔽
老農輟來歌稚子乘流濟牛羊下水中漁舟漾天際
薄靄留霏微天光忽明霽深池長芰荷幽墻蔓薜荔
麥飯聊可餐浮名亦何計

伯翁吳父母重建錫山廢祠暨泉亭詩以誌勝
千古西山勝茲遊更不同蜿蜒原造化疏鑿似神工
石壁參差出山根窈窕通上方羅秀色諸岫遍清風
濬壑探龍穴分流入梵宮泉明疑匹練嵐翠比崆峒
影落孤雲細聲來宿雨濛捫蘿尋舊逕倚石俯高空

夜月千崖白春風萬樹紅樓臺橫碧落簾幙映玲瓏
野鳥聲宛轉青杉氣鬱葱沼深浮玉笋山靜躍花驄
絲管鳴天際疎鐘過嶺東畫圖開綠野談笑近蒼穹
旣探鯨螭窟還經麋鹿叢當年稱陸羽今日賴文翁
氣象增吳地高清晰滿錫中令名應不朽山水共無窮
贈蔣元戎

聖世休風遠將軍武畧優義聲昭海甸德望播華州
漸見邊隅靖猶煩廊廟謀明堂推畫轂玉殿賜雲裘
懷遠同元老求賢類武侯神機驅虎豹妙算擁貔貅

日旰旌旗暗山河鼓角幽樓船橫碧落笳吹動江流
夜月明金甲春星耀鐵矛文人叅帷幄武將列兜鍪
欲上凌烟績何辭渤海遊楊鈴來水伯發矢下神鷲
令下江南路威行海上洲遐阨登榻袖絕島貢琳球
有地皆臣服無邦不化周弘勛千古永邊警一時收
自顧同駑馬還期附驥騮請纓先老大投筆豈淹留
龍虎風雲應功名竹帛修羣方欽大武四海頌弘猷
竚聽鏡歌捷牙璋拜冕旒

心遠堂詩

梁溪鮑鼎銓讓侯氏著

七言排律

遊石門

日向人間望碧峯今秋同過問幽踪行來風磴烟千
樹語入深谿路幾重一鴈去時雲漠漠兩崖分處水
淙淙香生半嶺連朝靄葉落空崖入午鐘面面丹楓
竹陰陰老栢間青松捫蘿石上風初起策杖峯
頭雨未濃下界鳥聲吹管籥上方巖翠劃芙蓉嵐光

侵袂寒疑雨石乳穿雲響似春高閣嶽崎巢海燕丹
梯天矯睡天龍登臨我欲題名勝何必詩人非戴顓
武林回棹過震澤口卽事

浪跡西泠作勝遊揚帆更下太湖流天連震澤鶯花
遠雲暗錢塘鼓角幽百里風檣搖碧落千重烟樹接
沙洲吳江路轉波方靜鷺嶺人回雨乍收天際有山
皆水氣望中無地只漁舟瀾漫禾黍平疇白隱見魚
龍澤國浮長劍風塵應自悔短篷詩酒復何求未甘
歸興趨殘照還許閒情逐野鷗細草繁花同漠漠淡

山碧水共悠悠越中巖壑心猶戀故民關城路未修
地論古今空感慨靜觀身世任優游今朝風力催回
棹他日名山再冥搜

心遠堂詩

梁溪鮑鼎銓讓侯氏著

五言絕

山中訪友不遇

隱知何處心期孰與論
山深人自遠花落滿柴門
夜坐

偃久天宇靜孤坐意如何
起視堦前月松陰落更多

天竺山行

谷荒涼鳥不鳴山空何處響
大半是泉

巖山

廊誰在佳人跡已無但聞鐘磬起烟雨暗姑蘇
花山訪陸處士

後衆山紫言尋處士家到門人未見先數碧桃花

過齊門

千兵火後故里總非真借問春來燕還知舊主人

夜泊京口

京口江聲急金陵雲氣多不堪今夜客千里尚悲歌

鄧尉山看梅

我悔尋梅晚林昏雨氣濛上方清磬響半是落梅風

江中夜行

秋高猶作客離恨不能無一片江流月心隨到五湖

宿友人山莊

兒聞啼鳥心閒見落花風塵隨處是今喜在山家

朝往山中訪友

清晨入山中山深人未起獨立向春林鳥嘒輕烟裏

偶成

山家宿醉殊未醒恐復招飲來呼童開竹

醒復飲酒酣我亦倦還卧落花中衣上花千片
雜感

月空差池風塵總飄忽何如歸田園獨對松間月
又

風動深林彈琴悟幽獨莫謂無知己東籬有黃菊
聞笛

梅花昨夜開相對喜清絕何處玉笛聲滿山忽飛雪
喜友見過

故人別經年握手喜今夕痛飲不覺寒堦前雪盈尺
山行暮歸

入山採藥去不覺山又暮松柏雜雲烟忘卻來時路
溪西野望

汛結高林水聲鳴野渡我來問漁翁孤舟隔烟霧
夜歸五湖

雨餘過湖濱心泛心自曠暮歸蕩漿遲山前月初上

堂詩

梁溪鮑鼎銓讓侯氏著

七言絕句

坐冷泉亭

生鶯嶺日初曛
亭下泉飛晝夜聞
百道寒光開匹
耳來知過幾重雲

過雲棲寺

盤紆杳杳鐘飛流
百丈掛高峯
上方梵宇知何
深山十里松

清凉寺

松陰斷翠微
依人飛鳥總忘機
我來獨向高峯坐
不覺山雲生薜衣

過京口

凡踪跡又經年
盡日潮聲送客船
鴈落長大秋色

青山一半入江烟

西湖偶題

遨遊意不同
酒旗無恙掛春風
湖邊多少樓臺

在荒荒草木中

